



# ЗАМАН



Газета издаётся на балкарском языке с 1924 года

Интернет-версия: zamankbr.ru

КЪАБАРТЫ-МАЛКЪАР РЕСПУБЛИКАНЫ  
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА  
КАБАРДИНО-БАЛКАРСКОЙ РЕСПУБЛИКИ

## Къабарты-Малкъар Республиканы Башчысында Кечиу вопросла жаны бла комиссияны къауумун къабыл кёрюуню юсонден Къабарты-Малкъар Республиканы Башчысыны УКАЗЫ

1. Къабарты-Малкъар Республиканы Башчысында Кечиу вопросла жаны бла комиссияны къауумун къабыл кёрюрге.

2. Кючлерин тас этгеннге санаргъа:

«Къабарты-Малкъар Республиканы Башчысында Кечиу вопросла жаны бла комиссияны юсонден» 2012 жылда 1 мартда чыгъарылгъан 42-УГ номерли Указыны 2-чи пункту экинчи абзацин;

«Къабарты-Малкъар Респу-

бликаны Башчысында Кечиу вопросла жаны бла комиссияны къауумун кийриуню юсонден, Къабарты-Малкъар Республиканы Башчысыны 2012 жылда 22 майда 80-УГ номерли Указын.

3. Бу Указ аны официал халда басмалангъан күнден башлап кючюне киреди.

Къабарты-Малкъар Республиканы Башчысы Ю. КОКОВ  
Нальчик шахар, 2018 жыл 12 сентябрь, №134-УГ

Къабарты-Малкъар Республиканы Башчысында Кечиу вопросла жаны бла комиссияны къауумуну тизмеси 2-чи бетде басмалананды.

### Сессия

## Татьяна Саенко – Май муниципал районну жер-жерли администрациясыны таматасыны къуллугъун толтуруады

Тюнене Май муниципал районну жер-жерли самоуправление советини сессиясында район администрацияны башчысыны орунбасарына Татьяна Саенко айрылганды. Алгын ол КъМР-ни Жамауат палатасыны Аппаратыны таматасы болганды. Ол күн окуна анга муниципалитетни администрациясыны башчысыны къуллугъун толтурурга буюргандыла.

**Татьяна Викторовна Саенко**, КъМАССР-ни Майский шахарында 1970 жылда тууганды. Къабарты-Малкъар къырал университетде окуп, «Педагогика» усталыкъны алганды. Педагогика илмуланы кандидатыды.

Уруну жолун 1991 жылда Майский шахарны 3-чю номерли орта школуну башланган классларыны устазы болуп башлаганды. 1995 жылдан 2009 жылгъа дери



– алчы специалист, Май районну Билим беруу управленийясыны таматасыны орунбасары, таматасы. 2009 жылдан 2014 жылгъа дери – КъМР-ни Парламентини 4-чю чакъырылыууну Председателини орунбасары. 2015 жылдан – КъМР-ни Парламентини 5-чи чакъырылыууну депутаты, КъМР-ни Жамауат палатасыны Аппаратыны таматасы.

### Жазылыу - 2018

## Энтта да амал барды

Хурметли окъуучула!

Сиз бир тюрлю сылтаула бла 2018 жылны саулай экинчи жарымына «Заманга» жазыламай къалгъан эсегиз, крайгъырмаз, халны тозеттирге амал барды. Сиз сентябрьни 25-сине дери бу жумушну тындырсагъыз, ана тилибизде чыкъгъан газетни 1-чи октябрьден алып башларыкъсыз.

Жазылыууну юч айгъа багъасы - 282 сом бла 24 канекду.

Бизни индексбиз - 51532

### Парламент

## Жол фондну кёбейтиуню къоша къ мадарлары тохташдырылгандыла

КъМР-ни Парламентини президиумуну кезулу жыйылыууну повесткасы кенг эди. Аны спикер **Татьяна Егорова бардырганды**.

Депутатла, биринчиден, республиканы бюджетине этилген тюзетиулеи сюзгендиле. Федерал арадан аха бёлюнгени бла байламлы казаны файдалары бла къоранчлары бирге келишдирилгендиле. Дагъыда «КъМР-де жол фондну юсонден» республикалы законну 4-чю статьясына тюрлеулеге да къаралганды.

Документни проекти жолланы тапландыруу жумушлары игилендиридир эмда фондну бюджетин кёбейтир мурат бла жарашдырылганды. Ол «РФ-ни Бюджет кодексини 179.4-чю статьясына жол фондлары бюджетлерин къурау жаны бла бёлюмюне тюзетиуле кийриуню юсонден» 141-ФЗ номерли Федерал законну излемлери бла келишдирилгенди.

Бюджет, налогла эм финан-



сла жаны бла комитетни башчысыны орунбасары **Сафарби Маремуковну** ангылатханына кёре, алай бла жолда жорууну жорукларына бузукълукъла ючюн тазирни субъектни бюджетинден жол фонда бёлюрге кереклиси тохташдырылганды. Андан сора да, фондлары толтурууну къоша къ мадарла-

ры да белгиленгендиле. Ол санда ауур жоюкю машинала жоллагъа салгъан хата ючюн тёлёуле, жоюкю ташыгъанда бузукълукъла ючюн тазирле, автомобиль жолланы иелигинде болгъан ырысханы хайырлануудан тышген файда да бу жумушлагъа къоратыллыкъды.

Ахыры 2-чи бетдеди.

### Жыйылыу

## Жигитлени тийишли саугъаларын заман толкъунла жуталмагандыла

Бу күнледе Бахсан районну администрациясында жыйылыуу къураулганды. Ол СССР-ни къырал саугъаларына тийишли болгъан къызыл аскерчилени орденлерин бла майдалларын жууукъларына къууанчлы халда беруу бла байламлы эди. Тюбешуге урушха къатышханланы жашлары, къызлары, туудукълары, къарындашлары, эгечлери, башха жууукълары да келгендиле.

Президиумда КъМР-ни Башчысыны Администрациясыны таматасы **Мухамед Кодзиков**, республиканы Башчысыны инвестиция политика эм жангъычылыкъла жаны бла энчи келечиси **Хачим Кармоков**, КъМР-де аскер комиссариатны къуллугъун болжаллы халда толтургъан **Константин Бачков**, Бахсан районну жер-жерли администрациясыны башчысы **Артур Балкизов**, районну прокурору **Аслан Башоров**, Бахсан эм Зольск районланы аскер комиссары **Мухамед Сосналияев** болгъандыла. Тюбешуге Кармоковланы, Шидовланы, Кочесоковланы, Калмыковланы, Караевланы, Кештовланы, Бапыналаны, Чочайланы, Батовланы, Жуковланы, Алшалананы, Буговланы эм башха тукъумланы келечилери, юнар-



миячыла, Атажукнодагъы 1-чи номерли кадет школ-интернатда окъугъанла да къатышхандыла.

РФ-ни гимни согулгъандан сора район администрацияны башчысы сёлешгенди. Ол фронтчуланы жууукъларына бери келгенлери ючюн ыспас этгенди.

Онжети фронтчуну республиканы районларындан, шаарларындан, эллеринден жууукъларына саугъалары, Ленинни, Къызыл Жулдузну орденлерине удостоверениелары бериледиле. Бизни излеутиучолерибиз 2015 жылны февралындан бери 150-ден аслам жоюлгъан аскерчини къа-

дарларын тохташдыруу жаны бла уллу иш тамамлагандыла. СССР-ни 125-ден аслам къызыл аскерчиси къырал саугъала тийишли болуп, ана берилмей къалгъанларын тохташдыргандыла.

Бу огурулу жумушну Ахмет Нахушев бла аны къызы Диана ишден, окъудан бош заманларында тамамлагандыла, аны бла да чеклемей, тохтаусуз излеу ишлерин андан ары бардырадыла, - дегенди ол. Анан сора залдагъыла урушда жоюлгъанланы хурметлерине бир минутну шош сюелгендиле.

Ахыры 2-чи бетдеди.













## Сурат этиод



МАЗАЛЛЫ СУУ СЕКИРТМЕ.

## Келигиз, бирге кюлейик

## КЪАЙДАСА, ЖУМУШАКЪЧЫГЪЫМ?

Чонай бир жол юйюне бир кесек тар- таракъ да болуп келди. Келе келгенлей:  
– Къайдаса, мени жумушакъчыгъ- ым, ариучугъум, къоланчыгъым, топалчыгъым?... – деп, тегерегине

къарады.  
– Мен мындама, э киши, -деп сөлеш- ди аш юйден къатыны.  
– Кет, доу-доу этме! Мен киштигибиз- ни излейме, – деди Чонай.

## МЕН АНЫ ТАНЫМАЙМА

Чонай нёгерлери бла, бир бирге кюлкю- лю хапарла айта, орамда бара боладыла.  
– Тохтачыгъыз, – деди Чонай шухлары- на. Ол анда кетип баргъан къалпакълыны кёремисиз?

– Кёребиз.  
– Ма мен аны бла не саламлашхан этмейме, не сөлешген этмейме.  
– Не-е-к?  
– Ечешеме, биле эсегиз! - деп къызын- дырды Чонай шухларын.

Аны билген алагъа алай къыйын чот кёрюнмей, хар бири кесини оюмун айтып тебиреди:

– Ол аман адам болур да, аны ючюн жалгъаша болмазса сен аны бла.

– Угъай!  
– Сора сиз бир затны юсонде тойюш- ген этгенсиз.

– Угъай!  
– А-а-а, баям, къатынынга лакъырда этген болур, ы?

– Угъай, угъай!  
Нёгерлери кёп чурум айтдыла. Алай Чонай аланы бирин да къабыл этмеді.  
– Сора билмейбиз. Кесинг айт себебин, – дедиле.

– Ой, антсызла, – деди Чонай, кюлоп.  
– Ол ким эсе да, мен аны танымайма. Ма олду себеби.

ТОКУМАЛАНЫ Жагъафар.

## Театр

## «Къара жиннге» чакъырадыла

Къулийланы Къайсын атлы Малкъар къырал драма театр 82-чи театр сезонун А. Айларовну пьесасына кёре «Къара жин» деген спектакль бла ачады. Артист къауум сахна искусствону, чамны, той-оюнну суйгенлине 27 сентябрьде Къырал концерт залда сакълайды.

Оюн **18:30 сагъатда** башланарыкъды.

Соруулары болганла бу телефон номерлеге сөлешсинле: **8(8662) 96-85-50; 8-938 691-25-39.**

Биченни жабаргъа жараулу тынгылы эмда уллу тентле сатыладыла. Къабарты-Малкъарны къалайына да жетдирирге онг барды. Тел: **8(928) 012-60-60.**

Учредительле: Къабарты-Малкъар Республиканы Парламенти бла Правительствосу

Баш редактор  
**АТТАЛАНЫ Жамал**

## РЕДКОЛЛЕГИЯ:

ТЕКУЛАНЫ Хауа (баш редакторну орунбасары),  
ЖАНГУРАЗЛАНЫ Нажабат  
(баш редакторну орунбасары),  
ТОКЪЛУЛАНЫ Борис (жууаплы секретарь),  
МОКЪАЛАНЫ Зукура,  
МУСУКАЛАНЫ Сакинат,  
ТИКАЛАНЫ Фатима,  
УЛБАШЛАНЫ Мурат

## ТЕЛЕФОНЛА:

Редакторну приёмный - 42-63-01. Баш редакторну орунбасарлары - 42-38-21, 40-04-82. Жууаплы секретарь - 42-66-85.  
Секретариат - 40-93-62. Корректорла - 42-63-52.

Газет Басманы эм асламлы информацияны эркинликлерин кыоруулау жаны бла Къабарты-Малкъар регион инспекцияда 2016 жылда 19 декабрьде регистрация этилгенди.

Регистрация номер — ПИ № ТУ07-00118. Индекс - 51532

Газетни басмагъа "КъМР-Медиа" ГКУ-ну компьютер службасы хазыр этгенди.

Газет "Тетраграф" ООО-ну типографиясында басмаланганды.  
Нальчик шахар, Ленин атлы проспект, 33

Номерге графикте кёре  
**19.00** сагъатда къол салынады.  
**20.00** сагъатда къол салынганды.

## ГАЗЕТНИ НОМЕРИН ЧЫГЪАРГЪАНЛА:

Мокъаланы Зукура - дежурный редактор;  
Кетенчиланы Зильфия,  
Кучукланы Сафит - жууаплы секретары орунбасарлары;  
Зезаланы Лида (1,2,3,4-чю бетле)  
Токумаланы Салим (11, 12-чи бетле),  
Ахкебекланы Жаннета - (9,10-чу бетле) - корректорла.

Тиражы **1421** экз. Заказ № **924**  
Багъасы 15 сомду.

РЕДАКЦИЈНЫ ЭМ  
ИЗДАТЕЛЬНИ АДРЕСИ:




360000, Нальчик шахар,  
Ленин атлы проспект, 5  
электронный почтасы:  
elbor\_50@mail.ru

## СЭЗБЕР

**ЭНИНЕ:** 5. Машок, хуржун. 6. Малла суукълада кечиниучю жер. Ашаргъа бек суйген, тоя билмеген адам. 9. «Нарт сёзле» китапны аувтору Джуртубайланы ..... 10. Нартюхден, къуругъан кертмеден тартылгъан татлы зат. 11. Сауут. 12. Жигит. 16. Адамны жаягъында болуучуду. 18. Жер байлыгы. Аллай аты бла шахар да барды. 19. Белгили устаз къыз Къарчаланы ..... 20. Танскъдан къыйналы. 21. Къырал къуралыуну бир тюрлюсю. 22. Ахча ёлчем. 25. Аллай тай болады. 30. Хантусну тюрлюсю. 31. Алай жангыз адамгъа да айтадыла, миллет да барды. 32. Солдат аякъ кийим этилген жалгъан тери. 33. Малла суукълада кечиниучю жер. 34. Атха жер салыу.

**ЁРСИНЕ:** 1. Харекет. 2. Айран къошулгъан суу. 3. Кёкден келген суу тамычыла. 4. Христианлыла тилек этген жер. 7. Ашаргъа жарагъан ханс. 8. Тауукъну эсинде зат. 13. Наган, пистолет. 14. Тылпыу бла багъыу амал. 15. Иги, огъурлу иш. 17. Ачы татыулу ханс, андан тузлукъ этедиле. 23. Шаркъда къуллугу болгъан адам. 24. Уллу, нартла журютген къылыч. 26. Арап къырал. 27. Адамгъа этген аман иши ючюн берилген азап. 28. Тери ийлерге этилген керек. 29. Ат чапдырып эришуу.



ГАЗЕТНИ 111-чи НОМЕРИНДЕ  
БАСМАЛАНГАН СЭЗБЕРНИ ЖУУАПЛАРЫ:

**Энине:** 7. Сейрилик. 8. Хыйлалык. 11. Кийиз. 12. Чыбык. 13. Агуманлык. 16. Тишируу. 17. Ыйлыгыу. 18. Пиала. 20. Илеука. 21. Къасмакъ. 22. Сатхыч. 23. Урунуу. 25. Ахмат. 29. Иймениу. 31. Къачыруу. 33. Жаньюарла. 35. Акъмакъ. 36. Къарыу. 37. Сабанлык. 38. Алышынуу.

**Ёрсине:** 1. Кебинлик. 2. Чирик. 3. Биригиу. 4. Жылкъычы. 5. Лагым. 6. Жыйымдык. 9. Къамичи. 10. Къанжал. 14. Аргентина. 15. Алментчи. 18. Парча. 19. Акъсут. 24. Ийнакълу. 26. Халыуа. 27. Арбачы. 28. Къысыдырык. 30. Узакълык. 31. Къолайлы. 32. Къазан. 34. Сарын.